


Cartas nordic

Un serie de photos de locationes in le paisés nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2019

■ **Hedalen, Norvegia:** Proxime al urbe olympic Lillehammer, nord-west del capital Oslo, se trova Hedalen, un valle montaniose. Illo es le location del ecclesia de plancas, Hedalens Stavkirke, construite circa 1163 e refacite in 1699 in ligno. Le ecclesia remane assatis parve e con un interior simple. Il ha inscriptiones runic, le altar se data del medioevo, e le figura del madonna es de circa 1230-1240. Il ha anque un reliquario de cupro aurate. Le porta del entrata porta un relievo super le saga pagan de Sigurd qui assassinava le dracon Fovne. Post le Morte Nigre, le area esseva extincte durante centos de annos, celate sub grande abietes. Un die un chassator chassava un ave. Ille audiva le sono del campana, trovava le ecclesia e entrava. Ante le altar jaceva un grande urso que ille occideva. Su pelle se vide in le sacristia. *Texto e photo: Åsmund Aukland Knutson*

Questiones

1. De qual material es construite le ecclesia in Hedalen?

2. Qual animal trova on in le relievo?

3. Que es le Morte Nigre?

4. Como esseva le ecclesia discoperite?

5. Que occorreva con le urso?
